

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

- पैहलगाम आतंकी हमले दी पच्छोकड़ै च मुखमन्त्री उमर अब्दुल्ला होरें सब्भनें पार्टिणं दी बैठक सद्दी जिस दरान इस वैशियाना हमले दी निंदेआ आह्ला प्रस्ताऽ पास कीता गेआ।
- उपमुखमन्त्री सुरिंदर चौधरी ते मुखमन्त्री हुं'दे सलाहकार नासिर असलम वानी होरें महाराष्ट्र दे उपमुखमन्त्री हुं'दे नै मलाटी करियै महाराष्ट्र च रवा'रदे जम्मू-कश्मीर दे लोकें दी सुरक्षा लेई अपनी चैता जाहर कीती।
- सेना प्रमुख जनरल उपेन्द्र द्विवेदी होर पहलगाम आतंकवादी हमले दे मददेनजर अज्ज जम्मू-कश्मीर दे दौरे पर आवै करदे न।
- बांडीपोरा च आतंकवादिणं ते सुरक्षाबलें बश्कार टाक्करा होआ ऐ। सुरक्षाबलें दी कार्रवाई जारी ऐ।
- संयुक्त राष्ट्र नै पहलगाम च आतंकवादी हमले मगरा तनोतनी गी होर बधने थमां रोकने लेई भारत ते पाकिस्तान गी मते शा मता सबर रक्खने दी अपील कीती ऐ।

<><><><><><>

CM All Party Meet

मुखमन्त्री उमर अब्दुल्ला हुं'दे आसेआ कल सद्दी गेदी सब्भनें पार्टिणं दी बैठक दरान पहलगाम च सैलानिणं पर होए दे आतंकवादी हमले दी सख्त निंदेआ आह्ला इक प्रस्ताऽ पास कीता गेआ। इस सरबंघै च मीडिया गी जानकारी दिं'दे होई ओमर होरें दस्सेआ जे सब्भनें सियासी पार्टिणं, समुदायिक लीडरें, युवा समुहें, सिविल समाज दे संगठनें ते मीडिया संगठनें गी आग्रैह कीता गेआ ऐ जे ओह सबर रक्खन ते ओकड़े तत्वे दे भड़कावे दा शिकार नेई बनन जेहड़े शांति-रमानदारी च खलल पाना चाहंदे न। मुखमन्त्री होरें पहलगाम च बेदोसे सैलानिणं पर होए दे वैशियाना आतंकवादी हमले दी सख्त निंदेआ कीती ते एहदे पर दुक्ख ते बसोस बी जताया।

ओमर होरें आखेआ जे जम्मू-कश्मीर दि'आं सब्बै सियासी पार्टियां, इस हमले दा षडयंत्र रचने आहलें खलाफ कार्रवाई लेई हर मुमकन मदाद देने गितै वचनबद्ध न। बैठक दरान पास कीते गेदे प्रस्ताऽ च देसै दे बक्ख-बक्ख हिस्सें च रवा'रदे कश्मीरी विद्यार्थिएं दी सुरक्षा जकीनी बनाने दा आह्वान बी कीता गेआ ऐ।

<><><><><><>

Dy.CM

उपमुख्यमंत्री सुरिन्दर चौधरी ते मुख्यमंत्री उमर अब्दुल्ला हुंदे सलाहकार नजीर असलम वाणी होरें महाराष्ट्र दे उपमुख्यमंत्री एकनाथ शिंदे हुंदे कन्नै मलाटी कीती ते पहलगाम आतंकी हमले दरान मारे गेदे महाराष्ट्र दे बसनीकें बारे गैहरा बसोस प्रगट कीता। बैठक दरान जम्मू कश्मीर दे उपमुख्यमंत्री होरें महाराष्ट्र च रवा'रदे कश्मीरिएं दी सुरक्षा बारे चर्चा कीती। महाराष्ट्र दे उपमुख्यमंत्री होरें इस गल्ला दा आश्वासन दित्ता ते महाराष्ट्र च रवा'रदे जम्मू कश्मीर दे बसनीकें गी कुसा चाल्ली दी कोइ परेशानी नेई होग मे उंदी सुरक्षा दा पूरा ख्याल रखेआ जाग। उनें लोड़मंदें दी मदाद लेई नोडल अधिकारी कन्नै इक हैल्पलाइन नंबर स्थापत करने दा जकीन दोआया। उपमुख्यमंत्री ते सलाहकार होरें अपनी संवेदना प्रगट करदे होई गलाया जे इस कायरतापूर्ण हमले च निर्दोष लोकें गी नशाना बनाना बड़ा गै निंदनीय ऐ।

<><><><><><>

Helpline

जम्मू-कश्मीर सरकार दे नमीं दिल्ली च स्थित रेज़ीडेंट कमिशन नै देसै च पढ़ाई करै करदे जम्मू-कश्मीर दे विद्यार्थिएं लेई इक हेल्पलाइन स्थापित कीता ऐ। इस सरबंघै च जारी इत्तलाह मूजब, देसै दे बक्ख-बक्ख हिस्सें च पढ़ाई लेई रवै करदे जम्मू-कश्मीर दे विद्यार्थी कुसै बी मदाद लेई इ'नें टेलीफोन नम्बरें पर राबता करी सकदे न। नम्बर इस चाल्ली न

हेलो जेके मोबाईल नम्बर : 7303620090

मैनेजर जेके हाउस चाणक्यपुरी : 9682389265

मैनेजर जेके हाउस 5 पृथ्वीराज रोड : 9419158581

रेजीडेंट कमिशन जेएंडके गर्वनमेंट न्यूज दिल्ली: 011-24611108, 011-24615475, 011-24611157

011-26112021 ते 011-26112022

एह् सब्बै नम्बर हर रोज 24 घेंटे उपलब्ध होडन।

<><><><><><>

Army Chief J&K

सेना प्रमुख जनरल उपेन्द्र द्विवेदी होर पहलगाम आतंकवादी हमले दे मददेनजर अज्ज जम्मू-कश्मीर दे दौरे पर आवै करदे न। सूत्तरें दस्सेआ ऐ जे सेना प्रमुख होर खित्ते च सुरक्षा हालात दा जायजा लैडन। सूत्तरें इब्बी दस्सेआ ऐ जे फौज दे मुकामी कमांडर, कश्मीर घाटी ते कब्जा रेखा दे नेडे आतंकवाद-रोधी उपाएं दे बारै च सेना प्रमुख होरें'गी अवगत करोआडन।

<><><><><><>

Anatnaag

यातायात मंत्री सतीश शर्मा लोकसभा सांसद मियां अल्ताफ अहमद ते अनंतनाग दे विधायक अब्दुल्ल मजीद भट्ट होरें कल गौरमेंट मैडिकल कालेज अनंतनाग दा दौरा लाइयै पहलगाम आतंकी हमले च जख्मिं कन्नै मलाटी कीती। एह्दा मकसद जख्मिं दी सेहत सरबंधी मजूदा स्थिति दा जायजा लैना हा। स्वास्थ्य सुविधाएं दी समीक्षा करना ते जख्मिं गी दित्ती जा'रदी इलाज बारे जानकारी हासल करना हा। मंत्री ते सांसद होरें गी जख्मिं दी मजूदा स्वास्थ्य स्थिति ते जख्मिं ते उंदे परोआर गी दित्ती जा'रदी हर चाल्ली दी मदाद बारे तफसीली जानकारी बी दित्ती गई। इस दरान उनें जख्मिं कन्नै गल्बाम बी कीती ते उनेंगी प्रशासन पाससेआ हर चाल्ली दी मदाद ते सैहयोग दा आश्वासन दित्ता। इस मौके उपपर सतीश शर्मा होरें आखेआ.....
बाईट

<><><><><><>

Bandipora Encounter

जम्मू-कश्मीर दे बांडीपोरा च अज्ज आतंकवादिं ते सुरक्षाबलें बश्कार गोलीबारी होई ऐ। अधिकारिक सूत्तरें दस्सआ ऐ जे सुरक्षाबलें, इलाके च आतंकवादिं दी मजूदगी बारै पक्की सूह थोने परैन्त बांडीपोरा जिले दे कुलनार बाजीपोरा इलाके च घेराबंदी ते तपाशी अभियान चलाए दा हा।

जि'आं गै सुरक्षाबलें दे जवान, संदिग्ध थाहरै कश पुज्जे तां आतंकवादिएं उं'दे पर गोलीबारी शुरु करी दित्ती जेहदा सुरक्षाबलें तुरत परता दित्ता ते टाक्करा भखी पेआ। सुरक्षाबलें दा अभियान जारी ऐ ते इस सरबंधै च होर ब्यौरे गी अजें बलगेया जा'रदा ऐ।

<><><><><><>

UN Ind-Pak

संयुक्त राष्ट्र दे महासचिव एंतोनियो गुतेरेस होरें कश्मीर च आतंकवादी हमले दी पच्छोकड़ै च तनोतनी गी होर बधने थमां रोकने लेई भारत ते पाकिस्तान गी मते शा मता सबर रक्खने दी अपील कीती ऐ। महासचिव हुंदे प्रवक्ता नै पहलगाम च जंदे मंगलवारें होए दे आतंकवादी हमले च 26 बेदोसे लोकें दे मारे जाने दी निंदेआ कीती। उ'नें आखेआ ऐ जे भारत ते पाकिस्तान बश्कार सब्भनें मुद्दे गी सार्थक गल्लबात दे राहें रमानदारी कन्नै हल कीता जाना लोड़चदा ऐ। भारत नै पहलगाम आतंकी हमले दे बाद पाकिस्तान दे खलाफ केई गैहीं पुटिट्यां न।

<><><><><><>

Div.Com Jammu

जम्मू दे डिवीजनल कमीशनर रमेश कुमार ते आईजीपी जम्मू भीम सेन टूटी होरें कल किशतवाड़ दा दौरा लाइयै कनून बवस्था दा जायजा लैता। डिवीजनल कमीशनर ते आईजीपी होरें इस दरान पुलस, सेना ते सिविल प्रशासन दे आला अधिकारिएं कन्नै बैठक लाई। एहदा मुख् मकसद जिले च व्यापक सुरक्षा इंतजामें ते कनून बवस्था दी मजूदा स्थिति दा जायजा लैना हा। इस मौके पर इलाके दी सुरक्षा लेई लोड़चदे निर्देश बी दित्ते गे। एहदे मगरा डिवीजनल कमीशनर होरें सलाना मचेल माता यात्रा लेई कीती जा'रदिएं तैआरिएं दी बी समीक्षा कीती।

<><><><><><>

Ramban

रामबन दे डिप्टी कमीशनर बसीर—उल—हक चौधरी होरें कल जमीनी हालात दा आंकलन करने लेई रामबन शैहर दे प्रभावत वार्डें दा व्यापक दौरा लाया। सरबंधत विभागें दे अधिकारिएं कन्नै डीसी होरें प्रभावत परोआरें दे घरें दा दौरा लाया। हाड़ करी होए दे नुकसान बारे जानकारी हासल कीती ते फौरी तौरा उप्पर दित्ती जा'रदी राहत ते पुनर्वास गी जकीनी बनाने लेई कीते जा'रदे कम्में दा जायजा लैता।

डीसी हुंदे दौरे दरान इस्सै चाल्ली दे नुक्सान गी घट्ट करने लेई भविक्ख दी योजनाएं उप्पर बी ध्यान केन्द्रित कीता गेआ, जेहदा उद्देश्य नेइएं आपदाएं खलाफ जिले दे तैआरिएं गी होर निग्गर बनाना हा। डिप्टी कमीशनर होरें इस दरान जरूरी सेवाएं दी ब्हाली ते मलबे गी हटाने दे कम्मा च तेजी आह्न्ने दे निर्देश बी जारी कीते। इस मौके उप्पर बोलदे होइ उनें आखेआ.....

<><><><><><>

Numismate

विश्व मुद्रा शास्त्र हफ्ते 2025 दे मौके पर संस्कृति विभाग दे प्रिंसिपल सैक्रेटरी ब्रिज मोहन शर्मा होरें जम्मू दे कला केन्द्र च दुर्लभ सिक्के दी दऊं दिनें दी प्रदर्शनी दा उद्घाटन कीता। एह कार्यक्रम जम्मू ते कश्मीर सरकार दे संस्कृति विभाग दे झंडे हेठ कला केन्द्र आस्सेआ आयोजित कीता गेआ। उद्घाटन समारोह च कला प्रेमिएं चित्रकारीविरासत संग्रेहकर्ताएं ते होर दुइएं मशहूर हस्तिएं हिस्सा लैता।

<><><><><><>